

اتوار 27 ستمبر، 2026

مضمون۔ اصلیت

سنہری متن: 1 کرنتھیوں 2 باب 12 آیت

”پراسی نہ جگ دابلکہ اوہ روح پایا اے جیہڑا رب ولوں اے تاں جو اوہناں گلاں نوں جانے جیہڑیاں رب نے ساہنوں دیتیاں
نیں۔“

جوابی پڑھائی: کلیسیوں 3 باب 1، 2، 4، 9، 14، 10، 16 آیتاں

- 1۔ ایس لئی جدوں تسی مسیح دے نال جو اے گئے تے اگلے جہان دیاں شیواں نوں لبھدے رہو و جتھے مسیح موجود اے تے رب دے سبجے پاسے بیٹھا اے۔
- 2۔ اگلے جہان دیاں شیواں دے خیال وچ رہو و نہ پئی دھرتی دیاں شیواں دے۔
- 4۔ جدوں مسیح جیہڑا ساڈی حیاتی اے ظاہر کیتا جاوے گا تے تسی وی اوہدے نال جلال وچ ظاہر کیتے جاؤ گے۔
- 9۔ تسی پرانی انسانیت نوں اوہدے کماں دے نال ای لا دیتا اے۔
- 10۔ تے نویں انسانیت نوں پالیا اے جیہڑی معرفت حاصل کرن لئی اپنے خالق دی صورت اُتے نویں بن دی جاندی اے۔
- 14۔ تے ایہناں ساریاں اُتے محبت نوں جیہڑی کمال دا پڑکا اے۔ نہہ لوو۔

15۔ تے مسیح دا اطمینان جیدے لئی تسی اک بدن ہو کے بلائے وی گئے او تہاڈے دلاں اُتے حکومت کرے تے تسی شکر گزار رہو۔

16۔ مسیح دے کلام نوں اپنے دلاں وچ کثرت نال وسن دیووتے کمال دانائی نال آپس وچ تعلیم تے نصیحت کرو تے اپنے دلاں وچ فضل دے نال رب لئی زبور تے گیت تے روحانی غزلاں گاؤ۔

درسی وعظ

بائبل وچوں

1۔ یوحنا 1 باب 1 توں 5 آیتاں

1۔ شروع وچ کلام سی تے کلام رب دے نال سی تے کلام ای رب سی۔

2۔ ایہہ ای شروع وچ رب دے نال سی۔

3۔ ساریاں شیواں اوہدے راہیں ای پیدا ہوئیاں تے جو کجھ پیدا ہوئیاں اوہدے وچوں کوئی شے وی اوہدے بغیر پیدا نہ ہوئی۔

4۔ اوہدے وچ حیاتی سی تے اوہ حیاتی بندیاں دانور سی۔

5۔ تے نور، ہنیرے وچ چمکدا اے تے ہنیرے نے اوہنوں قبول نہ کیتا۔

2۔ یسعیاہ 55 باب 3 (توں؛) 8، توں 11 آیتاں

- 3۔ کن لاؤتے میرے کول آؤتے سنو تے تہاڈی جند جیوندی رہوے گی۔
- 8۔ خداوند آکھدا اے پئی میرے خیال تہاڈے خیال ننیں تے نہ تہاڈیاں راہواں میریاں راہواں نیں۔
- 9۔ کیوں جے جنہاں اسمان دھرتی توں اُچا اے اونہیاں ای میریاں راہواں تہاڈیاں راہواں توں تے میرے خیال تہاڈے خیالاں توں اُچے نیں۔
- 10۔ کیوں جے جیویں اسمان توں مینہ پیندا تے برف پیندی اے تے فیر اوہ او تھے پرت کے ننیں جاندی بلکہ دھرتی نوں سیراب کردی اے۔ تے اوہدی ای روئیدگی تے شادابی دی وجہ بن دی اے تاں جو بون والے نوں بیج تے کھان والے نوں روٹی دیوے۔

11۔ ایسے طراں ای میرا کلام جیہڑا منہ وچوں نکلا اے ہووے گا۔ اوہ انجام میرے کول پرت کے نہ آوے گا بلکہ جو کجھ میری خواہش ہووے گی اوہ اوہنوں پورا کرے گا تے ایس کم وچ جیدے لئی میں اوہنوں گھلیا اے موثر ہووے گا۔

3۔ امثال 3 باب 1 توں 4، 6، 8 آیتاں

- 1۔ اے میرے پتر! میری تعلیم نوں فراموش نہ کر بلکہ تیرا دل میرے حکماں نوں منے۔
- 2۔ کیوں جے توں ایہناں توں عمر دی درازی تے پیری تے سلامتی حاصل کریں گا۔
- 3۔ شفقت تے سچائی تیرے توں وکھ نہ ہو وں گیان تے توں اوہناں نوں اپنے گلے دا طوق بنالویں تے اپنے دل دی تختی اُتے لکھ لویں۔
- 4۔ ایخ توں رب تے انسان دی نظر وچ مقبولیت تے سیان حاصل کریں گا۔

- 6۔ اپنیاں ساریاں رہواں وچ اوہنوں پچھان تے اوہ تیری راہنمائی کرے گا۔
 7۔ تُو اپنی ہی نظر وچ سیانہ بن۔ رب توں ڈرتے بدی توں دور رہ۔
 8۔ ایہہ تیری ناف دی صحت تے تیری ہڈیاں دی تازگی ہووے گی۔

4۔ متی 15 باب 29 توں 32 (توں دوجی، آیتاں)

- 29۔ فیریسوع او تھوں ٹر کے گلیل دی جھیل دے نیسڑے آیا تے پہاڑ اُتے چڑھ کے او تھے ای بیٹھ گیا۔
 30۔ تے اک بوہت وڈھا جتھا لنگڑیاں، گنگیاں، انھیاں، ٹنڈیاں تے ہو رہو بہت سارے بیماراں نوں اپنے نال لے کے اوہ دے کول آیا تے اوہناں نوں اوہ دے پیراں وچ بٹھا دتا تے اوہنے اوہناں نوں چنگا کر دتا۔
 31۔ ایس لئی جد لوکاں نے دیکھیا پئی گنگے بولدے، ٹنڈے ٹھیک ہندے تے لنگڑے ٹردے پھر دے تے انھے دیکھ دے نیں تے حیران ہوئے تے اسرائیل دے رب دی وڈھائی کیتی۔
 32۔ تے یسوع نے اپنے چیلیاں نوں کول بلا کے آکھیا۔

5۔ یوحنا 5 باب 30 آیت

- 30۔ میں اپنے کولوں کجھ ننیں کر سکدا۔ جیویں سُن داواں عدالت کرداواں تے میری عدالت راست اے کیوں جے میں اپنی مرضی ننیں بلکہ اپنے کھلن والے دی مرضی چاؤناواں۔

6۔ یوحنا 6 باب 63 آیت

63- زندہ کرن والی تے روح اے۔ بدن توں کجھ فائدہ نہیں۔ جیہڑیاں گلاں میں تہانوں آکھیاں نہیں اوہ روح نہیں تے حیاتی وی نہیں۔

7۔ اعمال 3 باب 1 توں 9، 11 توں 13 (توں؛) 16 آیتاں

- 1- پطرس تے یوحنا دے ویلے یعنی تیجے پہر ہیکل نوں جارہے سی۔
- 2- تے لوک اک جماند رو لنگڑے نوں لیارہے سی جنہوں ہیکل دے اوس بوہے اُتے بٹھادیندے سی جیہڑا سوہناں اکھواند اسی تاں جو ہیکل وچ جان والیاں توں پیسے منگے۔
- 3- جدوں اوہنے پطرس تے یوحنا نوں ہیکل وچ جان دیاں ویکھیا تے اوہناں توں پیسے منگے۔
- 4- پطرس تے یوحنا نے اوہنوں غور نال ویکھیا تے آکھیا ساڈے ول ویکھ۔
- 5- اوہ اوہناں توں کجھ ملن دی آس وچ اوہناں ول غور کرن لگیا۔
- 6- پطرس نے آکھیا چاندی سونائے میرے کول نہیں اے پر جو کجھ میرے کول ہے اے اوہ تینوں دیناں آں۔ یسوع مسیح ناصری دے نال نال ٹر پھر۔
- 7- تے اوہ اسجاہتھ پھر کے اوہنوں چکیا تے اوہدے ویلے اوسے پیرتے گئے مضبوط ہو گئے۔
- 8- تے اوہ پڑک کے کھڑا ہو گیا تے ٹرن پھرن لگ پیا تے ٹردا تے پڑکدا رب دی وڈیائی کردا ہو یا اوہناں دے نال ہیکل وچ گیا۔
- 9- تے ساریاں لوکاں اوہنوں ٹردیاں پھر دیاں تے رب دی وڈیائی کردیاں ویکھیا۔

- 11- جدوں اوہنے پطرس تے یوحنا نوں پھڑیا ہو یاسی تے سارے لوکی حیران ہو کے اوس برآمدے ول جیہڑا سلیمان دا اکھواند اے اوہناں دے کول دوڑ کے آئے۔
- 12- پطرس نے ایہہ ویکھ کے لوکاں نوں اکھیاں اسرا نیلیو۔ ایہدے اُتے تسی کیوں حیران ہندے او تے ساہنوں ایہج کیوں ویکھ رہے او پئی جیویں اسی اپنی قدرت یادینداری نال ایس بندے نوں ٹرن جو گا کیتا اے؟
- 13- ابراہام تے اسحاق تے یعقوب دے رب یعنی ساڈے پیو دادے دے رب نے اپنے خادم یسوع نوں جلال دتا جنہوں تسی پھڑوا دتا تے جدوں پلاطوس نے اوہنوں چھڈ دین دا ارادہ کیتا تے تسی اوہدے سامنے اوہدا انکار کیتا۔
- 16- اوہدے نال نے ہی اوس ایمان دے پاروں جیہڑا اوہدے نال اُتے اے ایس بندے نوں مضبوط کیتا جنہوں تسی ویکھدے تے جان دے او۔ بے شک اوسے ایمان نے جیہڑا اوہدے راہیں اے ایہہ تندرستی تہاڈے ساریاں دے سامنے اوہنوں ملی۔

8- 2 کرنتھیوں 4 باب 6، 15، 14، 17، 18 آیتاں

- 6- ایس لئی پئی رب ای اے جنہے اکھیا پئی ہنیرے وچوں لوچکے تے اوہ ای ساڈے دلاں وچ چمکیاں جو رب دے جلال دی پچھان دی لو یسوع مسیح دے مکھڑے توں جلوہ گر ہووے۔
- 14- کیوں جے اسی جان دے آں پئی جنہے خداوند یسوع نوں جوایا اے اوہ ساہنوں وی یسوع دے نال شامل سمجھ کے جوئے گاتے تہاڈے نال اپنے سامنے حاضر کرے گا۔
- 15- ایس لئی پئی ساریاں شیواں تہاڈے لئی نیں تاں جو بوہت سارے لوکاں دے پاروں فضل بوہتا ہو کے رب دے جلال لئی شکر گزاری وی ودھاوے۔
- 17- کیوں جے ساڈی گھڑی پل دی ہلکی جیہی مصیبت ساڈے لئی بوہت بھارتے ہمیشہ دا جلال پیدا کر دی جاندی اے۔

18۔ جیس حال وچ پئی اسی ویکھیاں ہوئیاں شیواں اُتے نئیں بلکہ نہ ویکھیاں شیواں اُتے نظر کر دے آں کیوں جے ویکھیاں ہوئیاں شیواں کجھ دیہاڑیاں دیاں نیں پر نہ ویکھیاں شیواں ہمیشہ دیاں نیں۔

سائنس تے صحت

1۔ 26:513 (خدا)۔ 27

رب اصلیت دیاں ساریاں شکلاں بناؤندا اے۔ اوہدے خیال روحانی حقیقتاں نیں۔

2۔ 11:331 (دی)۔ 16

صحیفے دلیل دیندے نیں پئی رب قادر مطلق اے۔ ایہدے توں ایہہ گل واضح ہندی اے پئی الہی سیان تے اوہدے خیالاں دے علاوہ کوئی شے نہ اصلیت دی ملکیت رکھدی اے نہ وجودیت دی۔ صحیفے ایہہ وی بیان کر دے نیں پئی رب روح اے۔ ایس لئی روح وچ سب کجھ ہم آہنگی اے، تے کوئی مخالفت نئیں ہو سکدی؛ سب کجھ حیاتی اے تے موت بالکل نئیں اے۔

3۔ 26-21:286

رب دے خیال کامل تے ابدی نیں، اوہ مواد تے حیاتی نیں۔ مادی تے عارضی خیال انسانی نیں، جنہاں وچ غلطی شامل ہندی اے، تے کیوں جے رب، روح ای کلی وجہ اے، ایس لئی اوہ الہی وجہ توں خالی نیں۔ تے فیر عارضی تے مادی روح دیاں تخلیقاں نیں ہے۔ ایہہ روحانی تے ابدی شیواں دے مخالف ہوون دے علاوہ کجھ نیں۔

4- 24-9:276

انسان تے اوہد خالق الہی سائنس وچ باہمی شراکت رکھدے نیں، تے اصلی شعور صرف رب دیاں گلاں توں پہچانیا جاند اے۔

ایس گل دا احساس پئی ساری خارج از آہنگی غیر اصلی اے انسانی تصور وچ خیالاں تے شیواں نوں اوہناں دی اصلی لو دے نال لیاؤند اے، تے اوہناں نوں بوہت سوہناں تے فانی طور تے پیش کردا اے۔ انسان وچ ہم آہنگی اوہنی اصلی تے لافانی ہندی اے جنہی موسیقی وچ ہندی اے۔ مخالفت غیر اصلی تے فانی اے۔

جے رب نوں کلی سیان تے حیاتی قبول کیتا جاند اے تے ایہدے توں پاپ تے موت لئی کوئی وی موقع میسر نیں رہندا۔ جدوں اسی سائنس وچ ایہہ سکھ لینے آں پئی اسی کامل کیویں بنیے جیویں ساڈا آسمانی پیو کامل اے، تے سوچ جدید تے صحت مندر راہواں ول، لافانی شیواں دی فکر مندی ول مڑ جاندی اے تے ہم آہنگ انسان دے نال نال سنسار دے اصول دی مادیت توں دور ہو جاندی اے۔

5- 23-17:301

جیویں پئی رب اصل اے تے انسان الہی شکل و صورت اے، تے انسان نوں صرف چنگیائی دے اصل، روح دے اصل نہ پئی مادے دی خواہش رکھنی چاہیدی اے تے حقیقت وچ ایہ ہونیا اے۔ ایہہ عقیدہ روحانی نہیں اے پئی انسان دے کول دو جامودا یا سیان اے، تے ایہہ پہلے حکم نوں توڑ دا اے پئی توں اک رب، اک سیان نوں نہیں۔

6- 16:353 (سارا)۔19

ساری اصلیت ابدی اے۔ کاملیت اصلیت نوں سامنے لاؤندی اے۔ کاملیت باہجوں کجھ وی پورے طور تے اصلی نہیں اے۔ جدوں تیکر کاملیت ظاہر نہیں ہندی تے اصلیت تیکر نہیں اپڑدی ساریاں شیواں غائب ہونیاں جاری رہن گیاں۔

7- 18-14:490

انسانی خیال انسان نوں ہم آہنگ یا لافانی بنان لئی بے بس نہیں، کیوں جے اوہ کر سچن سائنس دے مطابق پہلاں ای ایچ دے نہیں۔ ساڈی لوڑ بس ایہہ اے پئی اسی جانے تے اصلی انسان دے الہی اصول، پیار اُتے گھٹ عمل کریئے۔

8- 15-9:88 (توں،)

اصلی خیالاں تے وہما وچ فرق کیوں کیتا جاوے؟ ہر اک دی بنیاد نوں سکھدیاں ہوئے۔ خیال الہی سیان ولوں اظہار نہیں۔ سوچاں، ذہن یا مادے توں جنم لیندیاں ہوئے، مادی سیان دیاں شاخاں نہیں؛ اوہ فانی مادی عقیدے نہیں۔ خیال روحانی، ہم ساز تے ابدی نہیں۔ عقیدے ناں دیاں ای حساں توں جنم لیندے نہیں۔

9- 16-9.5-4:356

نام نہاد مادی وجودیت روحانی وجودیت تے لافانیت دا کوئی ثبوت برداشت نہیں کردی۔

یسوع نے عملی طور تے ایس موضوع دی وجہ دسی، تے اپنی روحانیت دی نیوں اُتے بیماری، پاپ تے موت نوں قابو کیتا۔ مادی شیواں دے عدم نوں سمجھدیاں ہوئے، اوہنے بدن تے روح نوں دو متضاد اداں دے طور تے، غلطی تے سچائی دے طور بیان کیتا، جیہڑے کسے وی طراں اک دوجے دی خوشی تے وجودیت وچ کوئی کردار ادائیسیں کردے۔ یسوع جان داسی پئی، ”جیوندہ کرن والی تے روح اے، بدن توں کجھ فائدہ نہیں۔“

10- 8-3:272

سچائی نوں سمجھن توں پہلاں سچائی دار روحانی فہم حاصل ہونا ضروری اے۔ ایہہ فہم اوس ویلے ای ساڈے اندر سما سکدا اے جدوں اسی ایماندار، بے غرض، پیار کرن والے تے حلیم ہن آں۔ اک ”ایماندار تے نیک دل“ دی مٹی وچ بیج بویا جانا چاہیدا اے؛ نہیں تے ایہہ بوہتا پھل نہیں دیو وے گا، کیوں جے انسانی فطرت وچ گندہ عنصر ایہنوں جڑوں چُٹ چھڈ دا اے۔

11- 26-5.19-15:130

کر سچن سائنس، مناسب طور تے سمجھی جا کے، انسانی سیان نوں اوہناں مادی عقیدیاں دی غلط فہمی نوں دور کرے گی جیہڑے روحانی اصلیتاں دے نال جنگ کر دے نیں؛ تے سچیاں نوں تھیں دین لئی ایہناں مادی عقیدیاں دا انکار کیتا جانا تے ایہناں نوں باہر کڈھیا جانا چاہیدا اے۔

جے رب یا سچیاں دی بالادستی لئی سائنس دے مضبوط دعوے اُتے خیال چونک جان دے نیں تے چنگلیاں دی بالادستی اُتے شک کر دے نیں، تے کیہ ساہنوں، ایہدے اُلٹ، بدی دے زبردست دعویاں اُتے حیران ہونا، اوہناں اُتے شک کرنا تے پاپ توں نفرت کرن نوں فطری تے ایہنوں چھڈ دین نوں غیر فطری خیال کرنا، بدی نوں ہمیشہ موجود تے چنگلیاں نوں غیر موجود خیال نہیں کرنا چاہیدا؟ سچیاں نوں غلطی وانگر عجیب تے غیر فطری نہیں لگنا چاہیدا تے غلطی نوں سچیاں وانگر اصلی نہیں لگنا چاہیدا۔ بیماری نوں تندرستی وانگر دکھالی نہیں دینا چاہیدا۔ سائنس وچ کوئی غلطی نہیں اے، تے رب یعنی ساریاں شیواں دے الہی اصول دے نال ہم آہنگ ہوون لئی ساڈیاں حیاتیاں اُتے اصلیت دی حکمرانی ہونی چاہیدی اے۔

12- 21:12-21

جو کجھ وی رب دی حکمرانی وچ ہندا اے، اوہ کدی وی اک لمحے لئی وی ذہانت تے حیاتی دی لو تے طاقت توں بغیر نہیں ہندا۔

کدی کدی ساہنوں ایہہ من تے مجبور کیتا جاندا اے پئی ہنیر الو وانگر اصلی اے؛ جد کہ سائنس پک کر دی اے پئی ہنیرا بس لو دے فانی فہم دی غیر موجودگی اے، جیدے آن نال ہنیرا اصلی شناخت گوا دیندا اے۔ ایس لئی پاپ تے ڈکھ، بیماری تے موت، حیاتی تے رب دی فرضی غیر موجودگی نیں، تے ایہہ سچیاں تے پیار دے سامنے غلطی دے تصوراں وانگر نس جان دے نیں۔

13- 26-2:480

بائبل واضح کر دی اے: ”ساریاں شیواں اوہدے (الہی کلام) دے راہیں پیدا ہوئیاں؛ تے جو کجھ وی پیدا ہوئیا اوہدے وچوں کوئی شے وی اوہدے بغیر پیدا نہ ہوئی۔“ ایہہ الہی سائنس دی ہمیشہ دی اصلیت اے۔ جے پاپ، بیماری تے موت نوں عدم دے طور تے سمجھیا جاوے تے اوہ غائب ہو جان گے۔ جیویں بخارات سورج دے اگے پگھل جان دے نیں، ایسے طراں بدی چنگیائی دی اصلیت دے سامنے غائب ہو جاوے گی۔ اک نے دوجی نوں لازمی لکو دینا اے۔

14- 7-4:261

برداشت، چنگیائی تے سچائی نوں زور کے پھڑ لوو تے تسی اوہناں نوں اپنے خیالاں دے قبضے دے تناسب توں اپنے تجربات وچ لیاو وگے۔

15- 29-26:248

ساہنوں خیالاں وچ کامل نمونے بناؤنے چاہیدے نیں تے اوہناں اُتے لگاتار دھیان کرنا چاہیدا اے، نیں تے اسی اوہناں نوں کدی وڈھیاں تے شریفانہ حیاتیاں وچ نقش نیں کر سکدے۔

16- 4-1:249

آؤ سائنس نوں قبول کریئے، عقلی گواہی اُتے بنے ہوئے سارے نظریاں نوں ترک کریئے، ناقص نمونیاں تے پُر
 فریب قیاس آرائیاں توں دست بردار ہوئیئے؛ تے آؤ اسی اک رب، اک سیان تے اوس نکلے کامل نوں رکھیئے جیہڑا
 فضیلت دے اپنے نمونیاں نوں پیدا کر رہیا اے۔

17- 14-9:242

اسمان اُتے جان دا کلا راستہ ہم آہنگی اے تے مسیح الہی سائنس وچ ساہنوں ایہہ راستہ دکھاؤندا اے۔ ایہہ مطلب رب،
 چنگیائی تے اوہدے پرچھانویں توں علاوہ کسے ہووے اصلیت نوں نہ جاننا، حیاتی دے کسے ہووے ضمیر نوں نہ جاننا اے، تے بس
 ناں دی ای پیر تے خوشی دے احساساں توں برتر ہونا اے۔

18- 24-20:208

آؤ اصلی تے ابدی دے بارے سکھیئے تے روح دی سلطنت، اسمان دی بادشاہی، عالمگیر ہم آہنگی دی بادشاہی تے
 حکمرانی لئی تیاری کریئے جیہڑی کدی گواچ نیں سکدی تے نہ ہمیشہ لئی ناو یکھی ہوئی رہ سکدی اے۔

روزانہ دے فرض

میری بیکرا بیڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیاری سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیاری حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔